

Awe Gobernador di Antiyas ta dicidi riba extradicion di Beto

ORANJESTAD(AAN):Awe den transcurso di dia, Gobernador di Antiyas lo manda su recomendacion pa Procurador General, si ta extradita Beto Arends of no.

Manera ta conoci cu Estados Unidos a solicita extradicion di Beto relaciona

cu supuesto delitonan cu lo a comete. Entre otro e ta worde sospecha di traficacion y labamento di placa.

E caso di Beto tambe ta poco complica tambe ya cu e lo ta involucra den caso Demey na Curaçao. Durante su

aresto relaciona cu e caso Demey a drenta e peticion di Merca pa su extradicion pa cual ta gobernador di Antiyas ta atende esaki.

Corte Superior a recomenda pa extradita Beto pa Merca. Pero e ultimo consejo ta keda

den man di Gobernador. Manera ta conoci ta tene cuenta tambe cu su salud pa cual posiblemente por bay considera esaki.

Mientras tanto gobierno di Aruba a extradita caba tres yiu di tera pa exterior. Te na

e momento nan aki tin Beto Arends y Cybul ta spera riba nan veredicto si ta extradita nan of no.

Awe e ciudadano Beto lo haya sa si gobernador mr. Saleh lo honra e peticion di corte superior pa extradite.

Reunion riba ley di choller y centronan pa mucha a continua

ORANJESTAD(AAN) Ayera mainta tabata tin continuacion di e reunion tumultuoso di siman pasa riba ley pa Chollernan y Centronan pa Mucha.

Siman pasa parlamentarianan Abath y Van Lis a bay laira cu otro ora cu un diferencia di opinion grandi a surgi riba pasamento di e ley pa pone Chollernan bao di Curatela y e ley pa centronan di mucha.

Van Lis cu kier a wak e leyman mas lihe cu tabata posibel pasa, a haya su mes confronta cu e sorpresa grandi cu parlamentario Abath a pidi pa schorsing di e reunion te cu ayera, pa asina e por a haya mas tempo pa studia un ke otro.

Esaki a pone cu Van Lis su fuse a bula y a surgi discusionnan fuerte entre e dos parlamentarianan aki cu a bay caba den un badabada completo den publicidad.

OLA su miembro a para riba cu tabata tin palabracionnan cla y raspa haci cu AVP riba e terenonan aki y nan tabata haya cu un biaha mas AVP no a tene nan mes na palabracionnan haci y dje forma ey nan no por bay goberna cu otro riba un base sano.

Glenbert Croes lider di partido OLA a bay te hasta asina leu cu el a duna AVP un ultimatum pa continuacion di e reunion, pero despues pueblo no a tende nada mas di esaki te cu ayera durante dia e reunion a sigui manera cu nada a pasa.

Segun informacionnan cu DIARIO a haya ayera, den e reunion señor Abath tabata tin remarken pa loke ta trata e ley di Van Lis y tabata tin mas parlamentario den e comision cu tabata tin remarken.

Tin dos proposicion di ley; uno di parti di gobierno (AVP) y uno di Van Lis y tanto AVP como OLA ta

bringa pa introduci nan leyman.

Ayera despues di hopi aki aya entre e parlamentarionan a keda dicidi cu ambos ley lo bay pa comisionnan cu mester traha ainda riba nan pa despues tur dos ley ser trata den parlamento.

Ridiculo ta pa bay trata dos ley cu tin e mesun meta y si tabata tin grandeza entre partidonan AVP y OLA anto e dos leyman aki por a ser poni hunto pa asina na final logra un solo ley.

Ta ken kier bisti corona awor cu tur dos ley lo worde trata den parlamento?

Nelson Oduber ta señala:

Gabinete Eman lo baha subsidio pa diferente Organizacion na Aruba

ORANJESTAD(AAN) -- "Den presupuesto 1998 ta poni cu Gabinete Eman ta bay baha subsidio di diferente organizacion" asina Parlamentario y lider di MEP, Nelson Oduber, a duna di conoce na redaccion di DIARIO.

Nelson Oduber a señala cu den e presupuesto di 1998 ta poni cu Gabinete eman ta bay baha subsidionan di entre otro Stichting Reclasing, un kindertehuis y Consumenten-

bond, Stichting Wit Gele Kruis, Arubaanse Muziekschool, Schouwburg Aruba, ASU, Comité Olímpico, Stichting Geestelijk Gehandicapten, Ambiente Feliz, Centro Kibrahacha, SABA, Imelda Hof, Project naschoolse opvang, Centro di Bario, project Jeugdwerk, Kinderopvang cu nada menos cu 3.6 milyon florin casi 4 milyon florin.

E ta haya cu lo ta bon pa Tico Croes manda bisa tur e organizacionnan aki ki mal intencion Gabinete Eman tin cu nan y cu ya Consejo di Minister a baha nan subsidio

drasticamente caba. Segun Oduber, pronto pueblo lo haya sa mas di e plan diabolico di Gabinete Eman, unda promer cu eleccion Aruba ta e pais mas rico na mundo y awor nos ta competi cu paisnan den pobreza.

Oduber a sigui bisa cu e Promer Minister cu a bay pa mas cu 2 siman cu viahe di trabao Hulanda, mientras cu Voorhoeve tabata siman pasa na Aruba unda nan por a discuti tur cos cun'e y despues keda cu vacacion Hulanda ta Tico Croes. Tempo lo demostrea si gobiernu ta serio y sincero.

TELEFONNAN DI DIARIO
826747- FAX 828551

PAYDAY PART 1!!

